



Allahov Poslanik, sallallahu 'alejhi ve sellem, sišao je na Minu; došao do Džemreta (Džemretul-'Akabe) i bacio kamenčiće, zatim otišao na mjesto (gdje se kolju kurban) na Mini, zaklao (kurban), zatim rekao brici, pokazujući na desnu stranu: "Uzmi!" A zatim na lijevu stranu. Poslije toga je počeo dijeliti kosu prisutnim.

Enes, radijallahu 'anhu, prenosi da je Allahov Poslanik, sallallahu 'alejhi ve sellem, sišao na Minu, došao do Džemreta (Džemretul-'Akabe) i bacio kamenčiće, zatim otišao na mjesto (gdje se kolju kurban) na Mini, zaklao (kurban), zatim rekao brici, pokazujući na desnu stranu: "Uzmi!" A zatim na lijevu stranu. Poslije toga je počeo dijeliti kosu prisutnim. U drugom predanju stoji: "... kada je bacio kamenčiće na Džemretu, zaklao kurban i obrijao se, brico mu je prvo obrijao desnu stranu, zatim je pozvao Ebu Talhu el-Ensarija, radijallahu 'anhu, dao mu (kosu), okrenuo mu lijevu stranu i rekao: "Brij!" Obrijao ga je, a zatim je dao (kosu) Ebu Talhi i rekao: "Dadni i ostalom svijetu!"

[Vjerodostojan] [Hadis bilježi imam Muslim putem svoja dva lanca prenosilaca]

Kada je Poslanik, sallallahu 'alejhi ve sellem, na Oprosnom hadždžu stigao na Minu, prvi dan Kurban bajrama, bacio je kamenčiće, a potom otišao do svog mjesta boravka, zaklao kurban, te pozvao bricu da mu obrije kosu, pokazavši na desnu stranu. Pa je prvo obrijao desnu stranu, a onda pozvao Ebu Talhu, radijallahu 'anhu, i dao mu kosu svoje desne strane, a zatim je obrijao i ostatak glave, pa opet pozvao Ebu Talhu i dao mu ostatak kose. Potom je rekao: "Podijeli to među ljudima." Pa je bilo ljudi koji su dobili jednu, dvije ili više dlaka, a cilj je bio teberruk kosom Poslanika, sallallahu 'alejhi ve sellem. Ovo je inače dozvoljeno i posebno se odnosi na ono što je ostalo od Poslanikova, sallallahu 'alejhi ve sellem, tijela (poput kose), odjeće i tome slično.

النجاة الخيرية
ALNAJAT CHARITY

